

欽定八旗通志

天章

卷三首

欽定八旗通志卷首之三

天章三

皇上御製詩一

大閱

時狩由來武備修特臨南苑肅貔貅龍驤選將頗兼牧
天駟掄材驥共驅組練光生殘雪映旌旗影動朔雲浮
承平詎敢忘戎事經國應知有大猷

大學士福敏久未入直為賦長句賜之

爲憶傳經開絳帳還教贊化入黃扉精神秋水原無滓
氣象光風却久違武相只吟勞杖履文丞應卽整裳衣
喜逢長至晴和候待步金門暖日暉

四月九日爲怡親王誕辰作此賜之

朱邱恩暉永銀潢瑞靄浮崔嵬勲存柱石遺緒屬弓裘詩
禮崇芳範公誠勵遠猷喜逢添算日花滿鳳麟洲

題唐岱山水幅

天際新螺翠欲浮坐來九夏似深秋巖腰古寺開青障

渡口歌橋鎖碧流清籟吟空金氣肅寒鴉歸樹暮烟收
丹青妙處誇生動每對溪山一爲留

賜大學士鄂爾泰

早年勲績振南蠻黃閣論思久任艱五載憂勤肩燮理
兩朝寅亮首清班允期舟楫川同濟何啻門庭水一灣
申甫蕃宣周碩輔敷予惠澤滿人寰

賜大學士福敏

元老由來衆所儀巖巖班列帝王師每當咨治披香日

恰似談經絳帳時入贊經綸常補闕退朝劍佩自委蛇
見行學始循佔畢啟導重勞下講帷

賜內大臣常明

禁籟宣勞久恩隆志愈虛潔身正羣僕扈蹕典周廬每
以嘉謨告因知丹悃攄清時無折檻不用叩階除

賜和親王

桐圭傳錫慶棣萼喜連芳樂善輝編簡維城佐廟廊允
堪稱玉葉不愧表銀潢嘉爾抒丹悃承恩並日長

賜怡親王

屏藩重寄賴宗臣夾輔宣猷翼紫宸盡職從知忠盡切
好書猶見性情醇銀潢派裏圭璋器花萼樓前雨露春
善體貽謀須黽勉永承惠澤篤親親

賜大學士查郎阿

玉陛資調燮西陲運計籌持鈞推舊德補衮著嘉猷可
繼蕭曹業還同韓范儔江湖與廊廟莫釋一心憂

賜工部尚書來保

金定八... 卷首三
天章三
卿月光華燦廟廊分曹布理賴匡襄訓垂虞典天工亮
職列周官地利詳誠懋允堪昭倡率許謨時切贊平康
老成自合叨榮澤常領清班鴛鷺行
命婦索綽羅氏年一百三歲矣其子孫皆多壽五
世一堂信人瑞也萬壽節扶掖入見喜而有作
淑範能修四德賢飲和猶占萬民先百齡瑞慶傳都下
五代孫曾繞膝前天上拜恩霑雨露人間不老卽神仙
更期壽世多黃耄共樂昇平大有年

題唐公做各家山水畫冊

萬柳含烟

宿雨朝烟二月時輕黃嫩綠一絲絲却教少婦愁添乍
無奈王孫歸意遲牽地欲迷芳草路因風時弄小腰支
扁舟刺處春何許蘸影如油上下宜

萬頃恩波

浩渺含太虛一色琉璃影畫師創新格恩波圖萬頃故
知寓意深筆諫吾須領惟予牧萬民馭朽恒自警或理

有壅蔽或政過寬猛或民怨飢寒或時有灾肯慮澤不
下逮中心常耿耿披圖鑑已切愈以發深省

萬笏朝天

遠山插笏曾無數黛色參天正近秋最愛茅菴坐清晝
琤琮常聽瀑泉流

萬松疊翠

王蒙真蹟無半紙妙處何人得神髓尺圖重寫萬松真
生面蒼蒼喻非指勁幹蟠拏偃蓋高虬龍深夜因風號

緬想山中高士客柴扉靜掩聽寒濤

萬點青荷

清和風景別桂棹漫開船傍岸試新履沿波疊小錢因
風時泛泛映日故田田極目蒼茫外琉璃破曉烟

萬林秋色

黃葉紅葉綺錯山色樹色霜勻不必詩誇小杜恍疑人
在三春萬本傳宗

萬壑千峰祥雲

萬壑祥雲滿千林瑞色籠可堪廊廟見只合畫圖中

五三春萬水朝宗

君不見廬山瀑布三千尺萬古銀河倚天碧又不見龍
門初闢神禹功九曲滔滔終向東是知觀乎海者難為
水披圖更悟其中理琤琮萬派皆朝宗澗壑淵渟清且
泚我獨悠然吟興豪會心在此原非此

萬竿烟雨

有猗者竹在彼渭川乃含宿雨乃帶朝烟其色維何非

媼非妍其音維何非管非絃有客坐對羗民之先其屋
何有四壁蕭然其手何持道德一編逸民也歟吾何得
而致焉

萬峯瑞雪

漫空飛玉屑插漢列瓊瑤寒澁溪流斷水凌楓葉凋石
磯閒釣艇古寺閉僧寮有鳥巢枯樹無人過小橋皚皚
迷萬壑密密布三霄滕六分明在雲深不可招

萬壑賜總河高斌

禹功萬古仰平成疏濬隨時賴俊英淮浦建牙資保障
黃流奏績久澄清息機早是無穿鑿順性猶然矢樸誠

潘靳嘉猷編簡在明潘季馴本朝靳輔皆能治河者千秋惟爾繼賢聲

與空過水東村怡賢親王瑩有感而作

一德叨

恩寵宗臣事業恢敬誠

天語定明達性根來長想功垂冊徒傾酒滿杯依遲傷

物化况復謁

凌迴

賜尚書那蘇圖

分署列西曹明刑重任操體予欽恤意嘉爾匪躬勞劍

佩環宸極網維領俊髦好生前訓在師法是臯陶

吾弟和親王誕辰詩以壽之

華葦同枝氣本親鶴原分豈隔君臣顧予作后多乾惕

知爾維城亦苦辛緬想飛觴桃李下已看流駛歲時頻

喜逢綵縷添長算立字母忘望汝純弟亦三十歲故云

唐岱做郭熙山水
丹巒翠嶽萬重深古寺疎鐘度遠林最愛河陽瀟灑處
濛濛雲氣濕衣襟

聽唐侃彈琴

蕭森梧竹含秋清銀猊吐篆縈風輕虛堂萬籟俱闐寂
唐侃琴操鏘鏘鳴一彈再撫餘音杳松風水月襟懷渺
孤鶴橫空唳一聲繁絲弱竹喧羣鳥

將軍塔爾岱久著勤勞養年私第今聞朕出口行

圍不辭勞瘁而來詩以賜之

百戰歸來鬢鏤身凌烟姓氏竟誰倫養閒合適林中趣
憐爾仍隨輦後塵赫奕虎符叨寵舊輝煌竹簡紀功新
爲詢閱歷疆場事幾度聞之屢念頻
賜總督高斌之任
淮揚底定早垂勳節鉞新開紫氣分自是經綸方藉展
可知魚水正需殷人言久慶江南雨物望應歸冀北雲
保障繭絲須識取編氓一路頌聲聞

伯樂相馬歌賜來保池一韻

伯樂善相馬車下老驥出今豈無其人來保稱第一曩

時有黃海

國朝善相馬者

親授相馬術謂不相其皮亦莫稱其

力心端德自優萬中無一失天閑雲錦羣一顧靡不悉

為余辨驪黃六飛協安吉此術固云美相人亦可則况

茲居八柱亮采汝所職勉此空冀心佐予敷九德

百輝致仕禮部侍郎銜內務府總管丁皂保年九十矣

朕每進宮必入朝請安矍鑠如昔詩以賜之

舊日春卿貳清時萬石君目光猶奕奕衷赤尚勤勤樂

易故應爾忠良眾所聞泰平無戰伐馬援漫從軍

未解彭佺術曾將灌絳齊林泉應樂齒珂馬尚聞鷄菊

水無須井丹霞自有梯所期職植眾難老摠眉黎

大學士福敏七十壽辰詩以賜之

前世文昌宿當朝王者師典型鵷鷺序標準鳳凰池有

問鳴鐘應方瞻霽月披耆年緣令德初度值良時堂敞

槐陰茂筵開日影遲春風坐綺席仙酒介厖眉允賴經

金史入加通志 卷三十三
綸手猶踈弟子儀壽身兼壽世長佐太平基

唐岱谿山雪霽圖

薰風釀暑吹楹欄黃沉綠浮堆水盤揮扇那能却炎氣
淋漓梅潤蒸齊紈忽展谿山雪霽圖文筵六月三冬寒
玉屏瓊樹數千里中有村舍非人間凍峽掛珠流不得
漁磯彷彿富春灘唐岱筆法老尤勁鼻祖摩詰追范寬
試供病渴人清覽何須熱惱愁長安

賜定邊左副將軍超勇親王額駙策楞

舊日殊勲定月支維藩今復寄邊陲每因章奏知忠懇
却爲賢勞費解推土拓不誇戎馬績烽銷常慰廟堂思
漢家定遠何須道方識前猷萬載垂

蘇詩淮揚一帶連歲被水黎民阡危用遣高斌前往賑

蘇東門恤兼求疏濬之方瀕行詩以賜之

負展奉三無垂衣御四陲殷殷何所念所念惟蒼黎祈
年廛宵旰惟願晴雨時安得海宇間比戶足食衣百姓
敦親睦農桑樂雍熙圓蓋蔭仁恩邇來無征輦若獲歲

金八旗通志 卷首三 天章三
屢豐教化或可期乃者淮揚郡澤國古若斯年來多水
災黎民困阻饑旬宣勅大吏補救賴有司瘡痍尙未起
賑恤宜早施蠲租並截漕疏流兼護堤凡百區畫方實
藉衆力爲吾恩汝其布吾民汝之兒何以淪異漲化爲
秔稻畦何以拯蒼黔免彼溝壑危予憂爾其釋爾勞予
應知勉爾經綸策慰予饑溺思淮

法爲賜江南總督尹繼善之任其論當其堂思
淮沛今何似災餘不忍言邇來闕三黼誰與辦三殮敢

斯司農帑還所大造恩當春應舉此積潦尙留痕民瘼
遐觀在心憂夢想存勉伊經畫策爲我活黎元

賜河南巡撫雅爾圖回任

鳴珂辭魏闕迴轡指中州借爾丹誠罄俾予愷澤流農
桑圖治本保障爲民謀敷政何居要端惟不競練

春日同誠親王和親王遊宴御園作

偶乘芳候遣幾閒樂事天倫禮法刪春半園葩開笑靨
雨餘山翠濯烟鬟風經錦埭香猶細鶴步蘭皋篆欲斑

却喜綠塍千頃潤稍紆雲漢賦民艱
雨歇芳林萬綺紛綠溪紅映碧波文欣浮桂舫同追景
何異芸齋共樂羣百和濃香薰艷卉數峯輕縷帶歸雲
今年膏澤叨靈貺敢懈祈年夙夜勤

聽唐侃彈琴

仙籟琴名平張梧凡橫澄心試聽指絃聲古風猶見巢兮

燧哇律都刪瑟與箏繡蓋幾株吟韻謾垂虹百尺掛川

晴愧予未解南薰慍領取春風和且平

朱倫瀚指頭畫松陰橫琴圖

抱琴松下來獨坐聽流水聲不在絲桐却在心與指
轆轤蒼龍枝清泉流其下無為調適人橫琴一為寫

康親王七旬壽辰詩以賜之

佳辰欣降嶽伊古重維城寶籙繇遐算宗潢尚老成瑀
弧懸夏令壽酒介春觥難老期臣庶深情況父兄河間
曾有獻柱下不徒彭帶礪河山永千秋與國榮

題唐岱山水便面

嘗聞名山有旦評可覽不如可遊妙可遊復不如可居
繪林想亦同茲道唐岱筆法老尤健雲烟澹染秋山照
縛茅蝸舍據佳勝寒江堪弄嚴公釣峯容樹態總天真
碧蘿蒼石歸詩料猶疑谷口籟作時寥寥于喁號萬竅
是中應有肥遯人召以蒲輪頭屢掉豈似北山隱仕流
移文徒惹稚圭誚

工部侍郎德齡有賢母詩以賜之

治身勤四德教子勗三遷樂易斯長壽令聞乃大年封

甘曾著潔畫荻舊稱賢彤管芳規在千秋耀簡編

坐享題唐岱秋林讀易圖古風會育聖興德不泯

臆含平楚千章翠戶對疎峯萬笏青風散日暄秋色好

由來大地是羲經

開國賜塔爾岱

奔走戎臣職憐伊老更懸旌門仍扈蹕冊府久書勲但

識旗堪奪那知筆可耘成詩還譯告兩字表忠勤

爵滿賜奉天將軍額洛圖

留都開幕府撫鎮更旬宣古重維桑地今成秉禮屢扈
陪依豹尾晉謁領鵷聯大樹甘棠並芳聲莫讓前
袞去酌克勤郡王園寢崇德門外臥鳳駟無私入書牘
開國承家日于藩夾輔資一時扶王業四海定丕基懿
德書金匱佳城奠玉卮銀潢天共遠百世篤宗支
烈金酌功臣額亦都墓烈峯萬歲青風濤日韻林可致
坐享八紘泰寧忘百戰功佐周曾有望興漢不徒馮金
簡香生綠椒漿玉瀉紅薑臣陪祀事式紹乃家風

開國佐運勲臣武勲王揚古里直義公費英東弘

毅公額亦都墓在

二陵之間松楸相望猶見當日

君臣相得之概感而賦此

虜池麥飯共艱辛想像

當年魚水親何必大風思猛士林林扈蹕有宗臣

題唐岱山莊春曉圖

水淨碧溪天淨空遠峯濕翠尙濛濛柴扉不啟牕帷捲

桃柳一川烟雨中

大學士鄂爾泰去冬有手足不仁之症入春尙未

當平魚痊可昨具疏乞休既不允其請詩以慰之

黃閣絲綸寄明廷鷓鴣儀長期與壽國偶爾用求醫彌

月心頻繫方春候漸宜股肱人有藉參朮效偏遲玉蕊

爭輝夜銀騰賡韻詩

新春與大學士張廷玉及內廷翰林等小宴重華宮有聯句思賢輔

之當歡勞耿耿簪紱漫先辭

命慎郡王寫盤山山色口占詩以贈公費英東岳

吾叔詩才素所知於今學畫畫尤奇同來勝地寧無意
為寫山容更詠之

題慎郡王山水卽用其韻

好山欲斷雲與連見在天成古寺邊今日坐叅相應處
底須蠟屐破蘿烟

想是白蓮社裏迴裙腰綠潤步蒼苔柴扉半掩雙桐靜
畢竟應叅孰去來

臨故大學士鄂爾泰第酌酒

青宮德義傳黃閣股肱臣永賴調元化何期作古人百
僚失矩範十載憶忠純適去空騎尾悲來底忌辰嘉猷
人盡識

昆命我須遵

雍正十三年
學士配享

皇考遺詔以大
太廟朕弗敢忘

國有旌

賢典欽哉步後塵

聽唐侃彈琴

虛堂赤夏清風生炎官遠徙秋爽凝松濤竹籟禁不語
惟有唐侃琴韻鏘鏘鳴愧我曾無撫琴指不解琴音會

琴理宮商之外太古心成連伯牙乃所以

題慎郡王水閣叢篁圖

飛流界青山散作鳴琴澗虛軒架其上烟雲朝夕變洞
口鎖箴箴案頭陳筆硯攜客策短筇指點喬松畔縱賞
固已佳忘言良復善

題唐岱仿王蒙山水圖

形似休論刻楮工誰能牛目辨顛翁臨平秋色知何許

王蒙粉本蓋圖
臨平秋色也

只在楓丹荔白中

賜直隸總督那蘇圖

溥水松山六御臨觀豐稍覺慰予心玉畿千里民惟止

保障一方汝尚欽要識

天庥承處幸應須農事靜中尋連勝二麥芄芃綠漫使

馳驅恣羽林

五弟稽古齋全集刻成進覽卽事書懷

華編成秩秩謙度出遲遲

余與弟皆以雍正八年薈萃所爲詩文定稿而樂善堂全

集刻於乾隆丙辰弟至今歲始刻全集卽此謙冲朕實愧賞弗置

稽古得精粹由中不

蔓枝清辭淡以遠豪筆爽而奇恍憶晴牕永墳篋唱和

時

集中諸作舊時日課同題者居大半

善琴者唐侃村居西山下是日過其廬因題

百戰歸來志未磨

唐侃旗人也隨大將軍費揚古出征昭木多頗有功在軍中猶以琴自隨

至雍正年間始賜副都統銜予告家居

卻耽小隱意如何臨泉興寄猶蘭

操築室情同安樂窩幽賞漫隨孤鶴去劇談常喜野人

過一揮應令四山響覲面真師黠益多

香山聽唐侃彈琴

聽琴蓋如對高士必有其地與其時金風玉露新秋序

時七月朔日

谷深林靜香山陞我知妙處不能寫其能寫者

舍侃誰村居隔五里以近抱琴而來何不宜為我作高

山噫吁嘻巍乎高哉嶽且寄為我作流水徒觀其狀也

則湯湯蕩蕩渺復瀾忽然觸景貌秋鴻

是日彈此三曲

遵渚遵

陸羽可用為儀平生不識宮與角其理或可推而知弭

節沉吟以構思乃如絳州才子覆被無語尋新詩鏗然

奮發千鈞弩又如重瞳暗鳴叱咤千軍之中能擐上將

旗神來候也非人力我欲贊之乃不得其辭幼讀孔子

書記其說關雎曰樂而不淫哀而不傷善琴者當有會

於斯是為太始正音堪味道世間箏琵琶筑徒爾為

題慎郡王山水小景十二幅

乘飛渡梅溪

幽夢到羅浮春風入蓓蕾虛舟本無繫泛此香雪海

前對燕桃塢

白屋幾家靜紺霞萬樹春不教花逐水恐引問津人

白屋樂春泛，綠苔萬樹春。不嫌草樹水，惡長同車人。
前溪新水生，後溪烟柳橫。來往東風裏，心隨一葉輕。
飛流落危峽，凭欄俯平楚。天地不藏機，色聲無著處。

題雲嵐山山水小景十二韻

千章樹影濛，萬疊山容活。妙領米南宮，此間得衣鉢。

朗開徵士牖，閒對君子花。霞標徼瑞露，鏡裏吐天葩。

山寺

棒喝臨濟宗，幽寂雲門寺。青鞵布鞵來，知復誰家子。

梧月

古月不速客，高梧有脚秋。鶴夢清宵冷，幽人正倚樓。

霜鴻

攜得塞垣霜，書空三兩行。蘆花眠不穩，却爲憶衡陽。

紅葉

錦樹經秋絢如燃，不著枝相對停車。客司勳字牧之。

駘樹盤雲棧
賦然不若於
賦樹車容
何燠字於之

劍關天外盡
磴棧雲中繞
誰復嗣青蓮
抽毫吟蜀道

雪溪
善空二函
以置於那
不蘇味
為游博用

天沉玉峯外
蘆重凍溪邊
破冷方蘭棹
惟應訪戴船

古民
賜尹繼善回江南總督任
善曾令幽人
五計對

熙績匪獨能
亮工資羣彥
詞林擅卓犖
封疆推老練
簡

昇淮海區奏
成佇底奠保
障財賦地繭
絲非所羨去
歲

吳淞災波臣
勢方扇每念
幸活民玉食
不能嚙賑濟
救

燃眉其何籌
久宴安民首
察吏瘴惡亦
彰善設誠物
乃

孚暹明終必
眩
負數幾
腹安
節桂

安徽巡撫納
敏陛見入京
茲以東巡扈
駕便道遣

赴皖任并賜
以詩
王
善
曾
令
幽
人
五
計
對

屬車扈從轡
如琴敬慎還
同在羽林賡
和底多誇藻
采

納敏頗能詩
是行凡令隨
駕
要須識我愛
民心
命
益
優

諸臣賡和之
作彼亦和之

壯齡承廟畧
一矢靖天狼
番部慕爾蠶
王師武必揚
慰

天章三

金定九通記 卷之三 天章三
景西顧久嘉汝赤心良捷我收么寇撫循集衆長斯能
成偉績用幹不庭方佇看銷兵氣敷天日月光

孟冬上旬於瀛臺賜經畧大學士傅恒及命往蜀

西諸將士食并成是什

大清聲教暨遐陬豈有疎王稽蜀酋黷武開邊非我志
安良禁暴藉卿謀行軍吉值初陽復賜食恩洞湛露流
轉瞬明年擒娑虜還教凱宴侑封侯

南苑行宮晚坐憶經畧大學士傅恒

依然庭宇靜榻爾研甌閒一室澄心處兩年曉眼間

南苑

未至葢衝寒懷碩輔此際歷重關所願明天討成功指

年矣
日還

經畧大學士傅恒舟渡蜀江賦詩呈覽用其韻答

之

若濟常殷擬巨川平羌今復率師前行旌冬發真勤瘁

露布春傳此佇延遙度應臨滴博壘底教稍遲

去蜀江聲

船四川驛站所辦不數千里外寧睽隔心在丹楓玉馬

協故稍遲行程

邊

大學士傅恒經畧西川效忠宣力誅渠魁破堅壘

申明紀律大振軍威番酋窮蹙乞命經畧大學

士銳意蕩平未允其請朕宏解網之仁下詔班

師召大學士還朝襄贊勞績茂著詩以賜之

安邊底績本丹忠請命番酋勢已窮上將有心期利執

大君無物不包蒙那須一月聞三捷早覺干忻達

兩宮晉國勤勞予廑念速歸黃閣贊元功

毆鳥何庸盡覆巢好生天地德含包歌成宵雅八章句

著得同人九四交兵洗蓬婆春淡蕩首稽獬狔面頰頤

蜀民安撫勤籌畫心契元良泰陸交

經畧大學士忠勇公傅恒率師進剿番酋忠誠奮

發志期殄寇執奏再三朕揆勢度理以允降班

師休兵息民為經國遠計彼匈奴未滅何以家

為者乃稟姚貳師輩武人銳往立功之槩大學

士輔弼元臣持誠贊化名耀旂常正不必與兜

盤聞帥爭汗馬一日之績詩以示之不必與
三面姑開格蜀夷來調說鼎佇期之集思廣益聊誠
勤遠勞民我不爲武豈佳兵應戒彼績惟和衆孰同
功成萬骨枯何益壯志無須效貳師

經畧大學士忠勇公傅恒賜第在東安門內迤北

朕命將作爲之經理今奏凱還朝適屆落成爲

紀一律賜之

票姚賜第落成新歌凱歸來得意春上將鷹揚今奏績

諸軍鳧藻久懷仁攸萃君子熊羆夢畢駭酋涂匍匐臣
從此坐調熙世鼎敷予教澤萬方均

二月十四日經畧大學士忠勇公傅恒奏報金川

番酋莎羅奔狼卡攜其徒醜相率隨提督岳鍾

琪以二月初五日親詣軍門築壇納款匍匐稽

顙永矢歸誠經畧大學士升帳受降開誠撫諭

遠近番漢官兵觀者數萬衆靡不歡呼忭舞膚

功克奏邊境牧寧露布驛聞喜而有作

止戈爲武信其然我澤如春經畧宜共喜捷音來玉闕
 何殊俘虜自金川番酋路左心傾服軍士行間氣倍鮮
 單騎汾陽休比擬都因忠赤格士代謝受朝恩
 宵天

經畧大學士忠勇公傅恒奏凱金州率領諸將士

還朝錫宴豐澤園用昭飲至之典卽席得長律

此坐題一首

卡撤功成振旅歸昇平凱宴麗晴暉兩階千羽欽虞典

六律宮商奏采薇湛露應教頌幕殿甘膏更慶遍春畿
 持盈保泰咨同德偃武修文凜勅幾

香山聽唐楓彈琴

經年唐楓琴音寂好是山深過雨初欲借散懷先屬付

撫絃切莫奏關雎

二十一叔慎郡王生辰詩以壽之

聖祖含飴恩並天追隨與叔正齊肩詠歌尙憶相酬日

向在書窓與叔彼此同交不惑年叔今年亦四十一好學好文光

譜牒為屏為翰效英賢三陽發歲韶華富介壽還欣福
似川含繪恩並天後蘭與妹五香氣清燭燭壽壽歸
大學士來保七十壽為是歌以賜之

七十古稀亦常有綸閣中人不多觀叶居然台袞臻黃

壽平生誠謹獲福厚金門朝夕宜勤久鮐背精神尙抖
擻漢萬石君今其友作歌春酒為卿壽詞取易達卿祇
受勉力贊襄予左右五言文獻陳樂

固倫額駙超勇親王策楞壽終詩以惜之有序

額駙在

皇祖時以名藩選尙公主宜力邊陲茂著勞績

皇考授為定邊左副將軍晉爵親王額爾德尼招之役

血戰先登萬眾披靡拔寇為之斂跡朕眷待優隆

額駙彌篤忠盡始終一節允惟懿戚中傑出之良

為王國屏翰於其薨也錫之優卹且命配享

太廟崇祀賢良祠以報殊勲俾眾蒙古知勸復成長律

用誌悼懷

丁年尙主令名聞絕塞宜歛建偉勲不必讀書知大義
每於臨陣冠三軍老戒凋謝予憂爾要寄疇咨子克云
命世子成袞扎布嗣爲扎薩克盟長
將來亦克勝定邊左副將軍之任云
重惜賢藩教侑
廟報功兼以勸忠勤

往清河奠超勇襄親王固倫額駙策楞

靈輿肅肅駐河濱歸殯佳城別塞雲卽此始終懷大義
額駙在日曾奏聞
皇考願於身歿後仍歸京師合
葬大長公主園寢今其子奏請朕旣允奏并命一切喪
儀皆如宗室親王之例官爲經理云
果然卓犖軼前聞中年自是傷哀樂

此日何堪哭戚勲見說漠陲將發引猶教血淚灑三軍

賜健銳雲梯營軍士食卽席得句

有序

朕於實勝寺旁造室廬以居雲梯軍士命之曰健
銳雲梯營室成居定茲臨香山之便因賜以食是
營皆去歲金川成功之旅適金川降虜及臨陣俘
番習工築者數人令附居營側是日并列衆末俾
預惠焉

猶憶前冬月雲梯始習諸

戊辰冬月有香山閱雲梯兵之作

功成事師

古戈止衆寧居實勝招提側華筵快霽初餽餘何必惜
可以逮豚魚

壽五弟和親王四十壽辰

灰飛緹室應書雲遐算添同刺繡紋邸第良辰欣有慶
天倫至樂貴無文樽持北斗傾紅友詩擬東坡壽卯君
從此每逢開表歲棣華歌繼九如聞

示山東巡撫準泰

山左前巡憶涪饑吾民疾苦日思之三年休息今何若

莫飾虛觀進頌詞

賜河東總河顧琮

堤遙工簡息洪濤無事常經智不勞泉閘湖垵善潄洩
永期轉漕濟千艘

賜兩江總督黃廷桂

迎鑾衛警蹕建節久旬宣體我勤民德嘉卿率屬賢何
須張錦帳惟喜閱鱗田細驗剛柔俗周諮豐歉年咸中
方有慶虛已自無偏此地人文盛還淳尙勉旃

閱河示總督高斌

澤國民生庶金堤

祖制垂來巡期善守底績貴無為持正裁浮議開誠集

衆思問予何訓示志在五言詩

賜浙閩總督喀爾吉善

巡吳於越便中過恐悞農桑候正和完賦自緣民俗美

不須重勉善催科

今年南巡免江南積逋二百餘萬而浙省向無逋欠特加恩蠲免本年正

賦三十萬兩以示獎勵

閱杭州旗兵

承平世恐軍容弛文物邦應武備明已向會稽陟禹蹟

便教浙水詰戎兵羽林舊將今誰是

皇祖駐蹕杭州閱武詩有羽林

舊將分防重之句

七萃材官古莫衡四十年重逢盛典行間踴

躍倍常情

雙忠祠 有序

乾隆十五年駐藏都統傅清左都御史拉布敦誅

叛臣朱爾墨特那木扎爾其黨羅藏札什率兵助

逆二臣死焉贈以伯爵優卹而歸其喪於京師親臨奠醊建專祠祀之命曰雙忠並紀以詩

衛藏西南夷極邊入我王化百餘年始猶羈縻後執費

置兵為守防呼韓

雍正年間始命大臣駐彼率綠旗兵防守準噶爾

蒙古習俗

尚黃教得失視此為轉旋其何小醜背厚澤夜郎自大

輕王臣託詞承平勞物力示之大信休兵屯戍兄虐下

遂無忌更與外賊為牽援血人於牙攫財賄中梗驛路

軍書傳

朱爾墨特那木札爾乃頗羅奈之子朕以其父勤勞頗能安輯疆土封為郡王後頗羅奈故伊

襲其父王爵卽詭詞請撤駐藏官兵因念彼既以撤兵為請卽不從適足以致其疑故如其請自此肆無顧忌戕其兄弟姪荼毒所部遣使通準夷求援旋斷絕郵置軍書不達者旬日二臣覘其逆謀已露遂決計先事誅之惟時奉命監彼土曰傅清暨拉布敦目覩逆勢日猖

獗炎炎不息將燎原戰守不可兵力弱官軍萬里阻蜀

門國事為重餘度外二人同心利斷金

叶

知無一生有

九死但期濟事酬深恩朱爾墨特那木札汝來示汝大

義存天無二日爾二日爾忘爾父叨藩翰兇渠稔禍力

已張去聲藐視二人何有焉籠中之鳥砧上魚西藏指日

據有全挺身來見忽疑慮潛呼羣醜施戈鋌傅卿直前
扼其臂逆王命者誅無延拉卿拔刀割其脰罪在魁首
無牽連羅藏札什其羽翼走險叫詼豕突然築犬吠堯
各爲主蜂屯蟻聚來獯豸吁嘻二臣力不逮如歸視死
雙軀捐小醜烏合旋就縛駢首就戮長竿懸逆誅順撫
妖氛靖衛藏萬衆如一言忠臣報主有如此智勇兼濟
誠通天昔每椎心今吐氣如披雲霧瞻蒼旻不勞一旅
翦渠寇豈止萬命免沉淪尸祝社祭衆夙志虔伸絕域

千秋傳靈輿肅肅歸故里建祠臨奠恩頻宣錫爵賜封
延後世志予哀悼旌勲賢雙忠之氣浩千古雙忠之力
敵萬軍罵賊有似奮常山誘致大異斬樓蘭雙忠蹟畧
傳斯篇他年以待信史編

大學士高斌七十壽辰詩以賜之

早叅黃閣侍金鑿晚覺扶鳩步履難卧理藉卿爲保障
成功告我永安瀾讀書未懈平生志益壽何須九轉丹
黃髮皤皤在朝衆勤勞軫念久河干

壽原任大學士龍翰傅先生八十初度

光霽由來衆式觀絳帷黃閣領儒冠身各應擬濟南伏

年德原同沛下桓松鶴作朋還侑酒孫曾繞膝合加餐

還丹益算何須藉兩字傳經永不刊

賜盛京將軍阿蘭泰

出寄干城入侍宸 阿蘭泰在御前侍衛裏行 據鞍矍鑠尚精神東都

留守分明是應令耆英會裏人 阿蘭泰年六十餘而鬚髮皆白故戲及之

賜吉林將軍傅森 其數師訓與恩賜宜恩賞賜

數處開牙盡有名大東坐鎮翼陪京將軍底事無勲勩
累洽重熙值太平

過功臣費英東揚古里等墓題句誌感

橋山柏里鬱相望開國同心想杜房一一盡臣茲扈蹕

逸勤胥及爾寧忘

躬臨酌酒當年事 癸亥初至盛京凡功臣墓皆親臨賜奠 遣奠依然表舊

勞 茲以重來各遣大臣致酌 動我愴然翹望處

山陵氣接朔雲高

賜河東河道總督兼署山東巡撫白鍾山

治河以衛民表裏本相因况萃一身鉅其厘萬姓辛寧
當營供奉匪爲事遊巡立位官須業名言昔可循

雙烈詩

雙烈詩者例雙忠詩而作也昔駐藏都統傅清左
都御史拉布敦誅叛臣朱爾墨特納木札爾以人
少力微二臣死事然究能鋤元兇而安絕域故臨
奠建祠並有雙忠之詩以揚其勲去歲命定北將

軍班第議政大臣鄂容安駐伊犁時二臣旣奏阿
睦爾撒納有反志朕命便宜從事庶幾消患未然
乃二臣觀望疑慮以致免脫而賊黨反得結連赴
約襲我軍營二臣力不能敵捐軀沙場猶之死王
事也一以勇決建績一以徘徊償事然而臨難致
命奮不顧身有足哀者今大兵旣靖伊犁逆賊窮
蹙逃竄不日獻俘二臣靈輿至京之日朕亦親臨
醴奠並成是作雙烈云者蓋不如雙忠之盡善矣

昔有傅介子手斬樓蘭頭通權建殊績芳名播千秋况
乎統三軍既悉彼逆酋一武夫之力何事仍夷猶逡巡
大軍徹偏師五百留彼梟有密約入覲中逗遛八月廿
五日三處共一謀阿睦爾撒納來阿爾台檄將合其部
衆挈妻孥以逃叶是則預有旨其妻孥盡收厥阿巴噶
斯斷我軍書郵克什木巴朗伊犁逞劫偷兩路如期發
猖狂肆叫諷叶蜂屯更蟻雜不可爬與梳叶二臣知不
敵全軍將內投而彼截歸路加以聚虻蟪巴朗謀致辭

權假爲我速徐當備馬馳送之返皇州二臣怒唾罵天
朝無此媮効死視如歸背義生肯求奮旅更前進氣髮
衝兜鍪終知事不濟畢命飲屬饑叶問罪重整師豈辭

雪載途

叶阿睦爾撒納叛後向謂事難成者皆以爲不
出所料伊犁卒不能平朕料叛賊陰險多詐其

得在此其失亦在此伊犁之衆不過一時附和終不能
人盡從彼若少延緩則叛賊又將別生變詐反失事機
因正承常惟怯退師之罰急趣西路軍帥尅旋復定伊
期進勦旋於今春直達伊犁逆賊失據奔竄

犁脅從寬厥尤一二助惡者

謂阿巴噶斯繫虜皆虔劉
克什木之流

渠魁竄異域王師奮遐搜亦聞哈薩克縛獻深同讐命求二

臣骨靈興返首邱臨奠例雙忠惜哉淚湧流初若聽我言寧
有今日不忠於國有濟烈為已不渝叶究匪貪生比使我悲
心悠朱門歌舞畫青史文章儔我豈為彼哉長歌旌乃休

舒布圖鎧巴圖魯奇徹布歌

千人萬人敵昔有亦惟能將資眾力一人奮勇敵二千
昔未前聞今始出其人曰惟奇徹布向為侍衛備宿直

叶去歲從軍監包沁包沁之人乃通賊額魯特呼礮為包包沁其司礮

人也上年正月其宰桑阿克諸爾率眾二千餘人來附逆賊阿睦爾撒納之亂包沁煽動闖出卡倫為官軍所

殲來圍其帳欲肆害奇徹布曾無懼色徐腰橐鞬手弓

箭出帳跨馬聲霹靂蟻聚叫謹羣近前應弦覆倒賊辟

易辟易復前恃其眾長槍火銃競相逼奇徹布且戰且

走得一柳林為障翼賊人圍之凡數重恐自傷無施銃

隙持槍人亦弗敢進進被箭死屍橫骸二千人各二千

心一人氣奪二千魄侵尋天暮眾西奔奇徹布歸奏殊

績賜金賜爵酬勤勞復請從師肯宴息舒布圖鎧巴圖

魯神勇之名汝應得荆軻孟賁匹夫豪日月燭火光應

息我歌嘉爾豈徒然勗我八旗永為式
 三巴圖魯歌
 巴圖魯者勇冠軍昔我旗人頗恒有近世以來殊不聞
 蓋因太平日已久歲寒松柏見後凋當春何以殊榆柳
 邇者西鄙屬用兵折衝咸欲効奔走舒布圖鎧已超羣
 三巴圖魯亦赳赳其一額納伸去歲伊犁從將軍將軍
 使彼詢事因單騎逕入眾賊羣左支右屈箭斃數人知
 事不濟拔刀自刎期報君其一巴寧阿
讀作 倉卒亂時

將軍前後護衛相蔽遮發無不中中無不死殺人如麻
 將軍遣之出巴寧阿曰朝廷命官偷生安往耶力敵視
 將軍盡節然後伏劍義烈真堪嘉二人既死還復甦宰
 桑巴礫得之壯其志養之數月我師再入方得歸軍牙
 其一曰富錫爾將軍命之攜印以出歸帝里其奈賊人
 擁蜂更屯蟻料不能出將印沉之水力戰受創命垂盡
 伊犁喇嘛救之得不死故賜額納伸曰卓禮克圖巴圖
 魯卓禮克圖者節義卓爾永不淪賜巴寧阿曰昆都爾

巴圖魯昆都爾者力敵萬人暇有餘賜富錫爾曰哈布
台巴圖魯哈布台者穿楊貫石技不殊迴思去歲迅功
成亡矢遺鏃夫何曾不期小醜逆志萌未能除蔓我二
卿乃致沙場雙捐生亦我坐謀遙未精嘉我旗人多忠
誠舊風未遠垂儀型愉以為戚留定評乃至西海揚芳
聲

原大學士傅龍翰先生輓詩

拖紳避省視前冬先生抱恙時朕親臨視比於病中恐朕軫念戒家人勿以聞及聞喪往哭尚未

大易箴慎初終自昔賜場歎從今融帳空儀型失老宿

啟迪憶童蒙未及詢楹奠於斯恨莫窮

賜山東巡撫鶴年

粵海旬宣久青齊治平撫掄嘉伊品犖犖為我牧元元

坐鎮青油幕扈隨紫氣軒驅馳何足貴善政勉徐源

賜河南巡撫圖爾炳阿

連疆迎蹕路重稽問農田所幸歲非歉還欣雪被駢安

民惟擇吏樂後每憂先申土風猶樸斯宜正直宣

賜江南總督尹繼善土風醇對謀宜五直宜

幕府山邊開幕府風規得似茂宏無保釐務布兆民福

清蹕寧求一已娛靜析久曾歷數省建牙今復鎮全吳

吏民相習休云易勗爾思艱莫漫圖

賜總河白鍾山

司河稱最久自是悉防修慎莫幸無事勉惟建遠謀况

經益新淤

上年河決孫家集致荆山橋淤淺上游積水入春未涸恐妨耕作亟命疏導

此實

厯深憂勗爾平成績紆子宵旰籌

賜蘇州巡撫愛必達

青齊障宿保吳下節新移民隱芻蕘達官方砥礪期允

當知有要寧止貴無私此地災傷後惠鮮莫漫遲

賜閩浙總督喀爾吉善

海疆澤國久聲騰坐鎮宣風嘉汝能連率威儀今陶侃

一家父子昔韓宏

喀爾吉善之子定長為貴州巡撫

行春惠化吾方攬

作兩平章民久稱供頓何須事華飾山川韶秀此邦勝

賜浙江巡撫楊廷璋

監司經久任自是悉民情要以能倡率寧惟貴潔清艱
難九年蓄生聚五方盈飢溺吾心切勤哉撫恤誠

一 定賜貴州巡撫定長

貴州巡撫

定長奏請入覲

迎鑾當入覲述職並寧親此意原嘉爾

定長奏請入覲

迎鑾便中省其父喀爾吉善故許其來也

推恩詎一人

京中諸臣隨來者給假省親省墓者多亦

不止定長一人也

西南門戶固禮樂獐苗新撫遠惟安靜庶因

福及民

欽定八旗通志卷首之三

